

BASES DA CONVOCATORIA PARA A INSCRICIÓN, ADMISIÓN E SELECCIÓN DOS E DAS ARTESÁS PARTICIPANTES NA MOSTRA DE ARTESANÍA “ARTESANFROILÁN 2018”, DA ÁREA DE CULTURA E TURISMO, SUBÁREA DE CULTURA, PATRIMONIO HISTÓRICO ARTÍSTICO, ARTESANÍA E DESEÑO E EDUCACIÓN.

PRIMEIRA: OBXECTO DA CONVOCATORIA

As presentes bases teñen como obxecto regular as normas e condicións de participación dos e das artesás da mostra ARTESANFROILÁN 2018 organizada pola Área de Cultura e Turismo, Subárea de Cultura , Patrimonio Histórico e Artístico, Artesanía e Deseño e Educación da Deputación de Lugo (en adiante Área de Cultura da Deputación de Lugo).

SEGUNDA: PARTICIPANTES

A presente convocatoria está aberta a todas e todos os artesáns para participar na mostra Artesanfroilán 2018, para o cal todas as persoas interesadas deberán cumprir os requisitos establecidos nas presentes bases.

Para os efectos destas bases, poderán participar os e as artesáns que realicen calquera actividade recollida no Anexo IV do Decreto 218/2001, de 7 de setembro polo que se refunde a normativa vixente en materia de artesanía agás os que realicen actividades da súa división 15 (Industrias de produtos alimenticios e bebidas).

A participación nesta Mostra está reservada a artesás e artesáns cuxa produción sexa exclusivamente de creación e produción propia, e cuxo material responda ao proceso de transformación e elaboración dunha determinada materia prima; entendéndose este proceso como un cambio substancial na referida materia.

TERCEIRA: LUGAR, DATA E CARACTERÍSTICAS

A mostra desenvolverase na praza Anxo Fernández Gómez de Lugo, entre os días 3 de outubro de 2018 e 14 de outubro de 2018, en horario de 11:00 h. a 14:00h. e de 17:00 a 21:00 h.

Os postos disporán de iluminación e contarán cunha saída de luz para o uso do artesán/artesá expositor

CUARTA: CONDICIÓNS DE PARTICIPACIÓN

As persoas interesadas en participar na mostra Artesanfroilán 2018 deberán presentar a solicitude coa documentación requirida no prazo e forma establecida nas presentes bases.

Poderán participar individualmente ou conxuntamente, en cuxo caso deberase indicar expresamente na solicitude, e en consecuencia deberán achegar a documentación correspondente e esixible a cada participante.

No suposto de participación conxunta e, de acordo coas indicacións na solicitude, o posto poderase compartir por un máximo de dous artesáns/artesás.

En todo caso, aqueles artesáns/artesás que decidan participar conxuntamente, deberán cumprir, respectivamente e por separado, todos e cada un dos requisitos esixidos. O incumprimento dos referidos requisitos por parte de un dos dous participantes da solicitude de participación conxunta non invalidará a admisión daquel que si os cumpra, debendo adaptarse as circunstancias derivadas desa situación, de xeito que non implique deterioro na imaxe e desenvolvemento da mostra. Nese sentido, a Área de Cultura poderá ditar as instrucións precisas para o mellor desenvolvemento e execución da feira.

A mostra estará formada por 25 postos de 3 X 2 metros, cada unha delas e con cadro eléctrico e iluminación.

Asegurar nas súas casetas as necesarias condicións de limpeza, hixiene, atención ao cliente, durante os días que dure a feira. **Os traballos de acondicionamento do posto de cada expositor será o día 3 de outubro dende ás 8:00 horas, e deberán estar concluídos o mesmo día ás 17:00 horas.** O desmonte e retirada dos elementos de cada caseta deberá realizarse como máximo ás 12:00 horas do 15 de outubro de 2018.

O/a expositor/a comprométese a manter aberta a caseta no horario fixado para a feira e ter polo menos unha persoa á fronte do mesmo, que representará ao/a solicitante.

O/a expositor/a deberá ter visible ao público a carta de artesán/artesá.

Así mesmo, comprométese a non ceder ou transferir en ningún caso a terceiros, os dereitos de participación concedidos pola organización.

A Área de Cultura da Deputación de Lugo será a encargada de definir a organización e colocación dos postos de acordo coas solicitudes presentadas, na perspectiva da correcta imaxe e execución da mostra e da óptima presentación da oferta artesanal que se promove, así como procurarase unha rotación dos/as artesáns seleccionados en relación con anos anteriores.

A Deputación de Lugo resérvase o dereito de instar á retirada inmediata no transcurso da Mostra de aqueles produtos que non cumpran os requisitos recollidos nas Bases, ou daquela oferta expositiva que por razóns acreditadas puidera supoñer dano ou prexuízo para o contido ou mensaxe da mostra da propia Deputación de Lugo.

De acordo coa lexislación vixente en materia entre homes e mulleres e de protección contra a violencia de xénero, queda expresamente prohibida a exposición de produtos ou actividades que inclúan tácita ou implicitamente contidos ou publicidade sexista ou que se poida considerar discriminatorias, vexatorias ou que xustifiquen, banalicen ou inciten á desigualdade de xéneros ou á violencia de xénero.

Na consideración do deber da Administración Pública de promoción do uso da lingua galega, a lingua de uso da mostra será o idioma galego.

A Mostra estará cuberta pola póliza de seguro de responsabilidade civil da Deputación de Lugo. De igual xeito, as persoas adxudicatarias deberán ter subscrita tamén unha póliza de responsabilidade civil para a actividade que desenvolvan.

A Deputación de Lugo non se fai responsable de perdas, danos ou furtos de materiais ou produtos durante o transcurso da mostra así como de calquera dano persoal ou material a terceiros, incluídos os danos producidos por catástrofes de calquera tipo.

Os produtores/as aceden a que a Área de Cultura da Deputación de Lugo fotografe, debuxe ou filme as instalacións, así como os servizos e/ou artigos expostos nos mesmos e a utilizar estas reproducións nas súas publicacións, na páxina web da Área e na prensa. A persoa ou entidade que expón ten dereito a fotografar o seu propio posto e os seus propios produtos, durante as horas de celebración da Mostra.

Non se permitirá máis música ambiental que a seleccionada pola organización de Artesanfroilán 2018.

Se por circunstancias de forza maior, a Deputación de Lugo se vira obrigada a desconvocar ou suspender a celebración da mostra, esta desconvocatoria e/ou suspensión non implicará indemnizacións de ningunha natureza para os/as expositores/as admitidos/as.

A presentación da solicitude de participación nesta mostra "ARTESANFROILÁN 2018" implica a aceptación total das presentes bases.

Ante calquera aspecto non recollido nestas bases no relativo ao proceso de valoración a admisión de solicitudes, a Área de Cultura da Deputación de Lugo, a proposta da Comisión de selección, resolverá segundo se considere o máis axeitado para o mellor desenvolvemento do evento/ mostra.

Os artesáns/artesás seleccionados estarán obrigados ao pago do precio público estipulado (360 €) no prazo de 7 días naturais dende a publicación da listaxe de artesáns/artesás seleccionados.

QUINTA: PRESENTACIÓN DE SOLICITUDES

As persoas interesadas en participar na mostra Artesanfroilán 2018 deberán presentar o modelo normalizado de solicitude que se achega como Anexo I, - xunto coa documentación restante requirida no punto 5º das bases- no Rexistro Xeral da Deputación Provincial de Lugo (San Marcos, 8 - 27001 Lugo), ou a través das formas establecidas no artigo 16.4 da Lei 39/2015 de 1 de outubro do procedemento administrativo común das administracións públicas.

O prazo de presentación será de 15 días naturais dende o día seguinte ao da publicación das Bases no Boletín Oficial da Provincia.

Toda solicitude presentada fóra do prazo indicado nas presentes bases será excluída do proceso de selección para participar da mostra Artesanfroilán 2018.

As solicitudes irán acompañadas obrigatoriamente da seguinte documentación:

- 1.- **Modelo de solicitude** debidamente cumprimentado (Anexo I)
- 2.- **Copia** da Carta de Artesán ou Artesá.
- 3.- **Copia** do DNI ou NIF da empresa.
- 4.- **Memoria técnica e descritiva** do material e do proceso de elaboración dentro da disciplina artesanal correspondente e relación e fotografías dos produtos a expoñer e de proposta expositiva para a presente mostra.

A memoria deberá ter un tamaño máximo de A4 e unha dimensión máxima de 25 páxinas por unha cara incluíndo a portada, no caso de presentación conxunta presentarase unha única memoria polos/polas dous/dúas solicitantes, todas elas deberán seguir o seguinte esquema:

- Portada. Datos de Artesán/Artesá, obradoiro, etc.. (1 páxina)

- Traxectoria do artesan/artesá e obradoiro. Currículo profesional que inclúa a data de inicio e traxectoria, así como mención a páxina web, blog ou redes sociais, no caso de utilizar algunha destas ferramentas. (Máx. 2 páxinas).

- Materiais e técnicas empregadas. (Máx. 2 páxinas).

a) Materiais utilizados

b) Descrición das técnicas empregadas.

Este apartado deberá ir acompañado dunha secuencia de fotos en pequeno formato mostrando a transformación da materia prima ata o produto final.

- Líneas de Produtos elaborados. (Máx. 10 páxinas)

a) Relación detallada dos produtos que se poñerán á venda no mercado. (Máx. 1 páxina)

b) Foto do posto montado anteriormente ou proposta de montaxe. (Máx. 1 páxinas).

c) Fotografías variadas do traballo onde se poida apreciar a súa calidade. (Máx. 8 páxinas).

Recoméndase que a memoria sexa elaborada coidadosamente, xa que é a ferramenta da que dispoñen os/as integrantes da comisión de selección para coñecer o traballo dos e das artesáns.

5. **Compromiso de aceptación** por parte do solicitante no que se asuma a responsabilidade de obter os permisos municipais correspondentes para a entrada de vehículos participantes na mostra aos efectos de montaxe, desmonte, carga e/ou descarga. (Anexo II)

6.-**Compromiso de aceptación** dos participantes nesta Mostra, conforme asumen todas as responsabilidades derivadas da montaxe, desmonte do produto a expoñer, as perdas, danos, furtos de materiais ou produtos durante o transcurso da mostra así como de calquera dano persoal ou material a terceiros, incluídos os danos producidos por catástrofes de calquera tipo, segundo se establece no punto 4 das bases. (Anexo II).

7.- **Declaración responsable** de non estar incurso en ningunha das prohibicións de contratar que establece o artigo 71 Da Lei 9/2017, de 8 de novembro de Contratos do Sector Público, así mesmo de estar ao corrente no cumprimento das obrigas tributarias e da Seguridade Social impostas polas disposicións vixentes. (Anexo II)

8.- **De forma opcional** os e as solicitantes poderán aportar copia da vida laboral se desexan que a información deste documento sexa tida en conta nas valoracións, así como os documentos acreditativos de estar inscrito/a na marca Artesanía de Galicia e/ou ter o obradoiro inscrito no Rexistro Xeral de Artesanía de Galicia, así como calquera documentación que estime oportuno entregar para poder valorar segundo os criterios establecidos na base sexta.

SEXTA: SELECCIÓN

Rematado o prazo de solicitude de participación na mostra, unha Comisión valorará as solicitudes presentadas e emitirá unha proposta de resolución das persoas admitidas para participar en ARTESANFROILÁN 2018.

Esta Comisión estará formada por persoal da Deputación Provincial de Lugo e rexerese segundo o establecido para os órganos colexiados nos artigos 15 e seguintes da Lei 40/2015, de 1 de outubro, de réxime xurídico do sector público.

A selección dos participantes na mostra farase con base nos criterios que se expoñen a continuación:

1. Calidade do proxecto presentado e procesos de elaboración: 0 a 5 puntos
2. Antigüidade da Carta de Artesá:
 - a. Menor o igual a 5 anos → 5 puntos
 - b. Máis de 5 anos → 10 puntos
3. Presenza en Feiras de Artesanía para profesionais no último ano → 5 puntos
4. Innovación técnica:
 - a. Utilización de novas técnicas para a disciplina → 5 puntos
 - b. Incorporación de novos materiais na disciplina → 5 puntos
5. Difusión e Implantación en redes:
 - a. Páxina Web → 5 puntos
 - b. Blog → 3 puntos
 - c. Redes sociais → 2 puntos
6. No caso de posto compartido → 15 puntos
7. Deseño verde:
 - a. Materiais autóctonos → 5 puntos
 - b. Materiais ecolóxicos → 5 puntos
8. Identificación coa zona de procedencia e elaboración do produto:
 - a. Materiais → 5 puntos
 - b. Deseño → 5 puntos
9. Deseño do posto → de 0 a 5 puntos
10. Incorporación á marca Artesanía de Galicia → 5 puntos
11. Ter o Obradoiro inscrito no Rexistro Xeral de Artesanía de Galicia → 5 puntos

En caso de empate na puntuación, terá preferencia utilizando por orde os seguintes criterios:

1º As disciplinas, que no seu caso, non estivese representada, co fin de lograr a máis ampla e variada oferta da mostra.

2º Terán preferencia as e os artesáns da provincia de Lugo, segundo a carta de artesá.

3º As solicitudes con número de entrada en rexistro anterior ao posterior.

Con base nos criterios expostos, a citada Comisión propondrá unha listaxe ordenada de artesás e artesáns seleccionados ao Presidente da Deputación de Lugo, quen resolverá.

A resolución que poña fin ao procedemento de selección deberá expresar as persoas adxudicatarias seleccionadas de cada posto, así coma unha lista de reserva, para os efectos de que, en caso de renuncia, a comisión de selección cubrirá a vacante co artesán ou artesá suplente, a través da listaxe de suplencias que a tal efecto elaborará a comisión no momento de emisión do seu ditame, contra esta resolución caberán os recursos pertinentes establecidos na Lei 39/2015 e demais normativa de aplicación.

Esta resolución farase pública para os efectos de notificación ás persoas interesadas, así como calquera outra notificación ou requirimento, a través dos Taboleiros de Anuncios da Deputación de Lugo e do Centro de Artesanía e Deseño, da páxina web www.centrad.org dando cumprimento ao disposto no artigo 45.1 b) da lei 39/2015 de 1 de outubro do procedemento administrativo común das administracións públicas.

Unha vez comunicada a selección dos candidatos, abrirase un prazo de 7 días naturais para a presentación da copia da póliza de responsabilidade civil para o desenvolvemento da actividade para a que se presenta, así como xustificante de pagamento do ingreso da tarifa do prezo público de 60 € por metro cadrado de caseta para a exposición e venda de artesanía (total 360 €), aprobado por Xunta de Goberno, do cal se remitirá fotocopia xustificativa ao Centro de Artesanía e Deseño da Área de Cultura e Turismo. No caso de non presentación ou abono da cantidade e documentación esixidas, causará exclusión na participación da mostra e chamarase ao seguinte artesá o artesán suplente da listaxe de suplencias.

A Comisión de selección estará composta polos seguintes membros:

PRESIDENTE

Santiago Rodríguez Tuñas, Coordinador de Administración e Xestión Cultural.

SECRETARIO

O Secretario da Deputación de Lugo, ou persoa en quen delegue.

VOGAIS

Xosé Manuel Becerra Pardo, Coordinador de Actividades e de Persoal.

M^a Soledad López de Andrés, Atención ao cidadá.

Daniel Fernández Gómez, administración.

Vogais Suplentes

Luciano Pérez Díaz, Responsable Técnico Coleccións.

Joao Fernades de Brito, Mestre Artesán do Obradoiro do Moble.

Diego López Villar, Oficial Taller do Libro.